

საქაენსო გადახდის საბანკო გარანტია # ADV41597-17

თბილისი

29 სექტემბერი 2017 წელი

გარანტი: სს საქართველოს ბანკი (შემდგომში „გარანტი“)
გარანტის საიდენტიფიკაციო კოდი: 204378869
გარანტის მისამართი: გაგარინის ქ. #29ა, თბილისი, 0160, საქართველო
პრინციპალი: შპს აკა გრუპი + (შემდგომში „პრინციპალი“)
პრინციპალის საიდენტიფიკაციო კოდი: 406037391
პრინციპალის მისამართი: საქართველო, ქ. თბილისი ისანი-სამგორის რაიონში, კახეთის გზატ. N34/„ვ“ ბ.10
ბენეფიციარი: სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „ბენეფიციარი“)
ბენეფიციარის საიდენტიფიკაციო კოდი: 204864548
საგარანტიო თანხა: 1,050 (ერთი ათას ორმოცდაათი) ლარი

ჩვენთვის ცნობილი გახდა რომ, პრინციპალსა და ბენეფიციარს შორის გაფორმდა (29 სექტემბერი 2017 წელი; #783/06) ხელშეკრულება (შემდგომში „ხელშეკრულება“), რომლის თანახმადაც პრინციპალმა უნდა განახორციელოს ტრანსპორტით მომსახურება. ზემოხსენებული ხელშეკრულების პირობებით გათვალისწინებულია წინასწარი ანგარიშსწორება ხელშეკრულების მთლიანი ღირებულების 100%-ის ოდენობით, იმ შემთხვევაში, თუ პრინციპალი წარუდგენს ბენეფიციარს საბანკო გარანტიას მოთხოვნილი ავანსის ეკვივალენტ თანხაზე ანუ 1,050 (ერთი ათას ორმოცდაათი) ლარზე.

ყოველივე ზემოაღნიშნულის გათვალისწინებით იმ შემთხვევაში, თუ პრინციპალი ვერ შეასრულებს ხელშეკრულების პირობების თანახმად ნაკისრ ვალდებულებებს, გარანტი კისრულობს გამოუთხოვად ვალდებულებას ბენეფიციარის წერილობითი მოთხოვნის წარმოდგენის საფუძველზე, აუნაზღაუროს მას ნებისმიერი თანხა ან თანხები, მაგრამ არაუმეტეს ჯამში 1,050 (ერთი ათას ორმოცდაათი) ლარის ოდენობით.

წინამდებარე საბანკო გარანტია ძალაში შედის ბენეფიციარის დავალებით სს „საქართველოს ბანკში“ პრინციპალის #GE49BG000000283334600 ა/ანგარიშზე ავანსის სახით 1,050 (ერთი ათას ორმოცდაათი) ლარის სრულად ჩარიცხვისთანავე.

გარანტიის მოქმედების ვადა არის: 31 დეკემბერი 2017 წელი შესაბამისად წინამდებარე გარანტია მოქმედებს აღნიშნული თარიღის ჩათვლით. აღნიშნულიდან გამომდინარე ნებისმიერი მოთხოვნა ან პრეტენზია, გარანტის მიერ მიღებულ უნდა იყოს საბანკო გარანტიის ვადის გასვლამდე მისამართზე: სს „საქართველოს ბანკი“ (ს/კ: 204378869), სათაო ოფისი, გაგარინის ქ. #29ა, თბილისი 0160, საქართველო, თბილისის დროით (UTC/GMT +04:00 hours) 17:00 საათამდე, კანცელარიის სამსახურში, ვაჭრობის ფინანსირების დეპარტამენტის საყურადღებოდ.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის მხრიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებული იქნება მოთხოვნილი თანხა ციფრობრივად და სიტყვიერად, საბანკო რეკვიზიტები და ის გარემოება, რომლის გამოც ხდება მოთხოვნის წარმოდგენა. მოთხოვნას თან უნდა ახლდეს მოთხოვნაზე ხელმოწერილი პირის ხელმოწერაზე უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერილი პირის უფლებამოსილების შესახებ ინფორმაცია საჯაროდ ხელმისაწვდომია) და წინამდებარე საბანკო გარანტიის ასლი.

წინამდებარე საბანკო გარანტიის თანხა ავტომატურად მცირდება პრინციპალსა და ბენეფიციარს შორის გაფორმებული შუალედური/საბოლოო მიღება-ჩაბარების აქტებში მითითებული სამუშაოების/საქონლის ღირებულების 100%-ის ოდენობით, რომელთა ორიგინალი ან სანოტარო წესით დამოწმებული ასლები უნდა წარედგინოს გარანტს შემდეგ მისამართზე: გაგარინის ქ. #29ა, თბილისი, 0160, საქართველო.

საბანკო გარანტია ავტომატურად უქმდება ქვემოაღნიშნული გარემოებებიდან ერთ-ერთის დადგომისთანავე:

- საბანკო გარანტიის ვადის გასვლით.
- გარანტის მიერ ბენეფიციარისთვის იმ თანხის გადახდით, რომელზედაც გაიცა საბანკო გარანტია.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე საბანკო გარანტია რეგულირდება საქართველოს კანონმდებლობით.

პატრისცემით,
ეთერ ჩხეიძე
გარანტიების სამსახურის უფროსი
204378869

